



Мон, Туктамышева

(Осипова) Валентина Андреевна, вордиськи Пойкино гуртын нырысети январе 1930 аре. Анае, Осипова Евгенья, колхозын валъёсты сюдиз, атае, Осипов Андрей, ужаз кузнец луыса. Великой Отечественной война кутскыку мыным дас одиг арес вал. Атае оже оз кошки, со пересь вал ни соку. Пичиысен ик анае съоры ужаны ветли. Сюрс укмыс сю ньыльдон кыкети арын кема висъыса улэмез бере атае кулиз, сое вал чыжем. Со ик аре анайме мукет уже ыстизы но монэ вал сюдыны косизы. Кык ар отын ужай. Уже туж секыт вал, ачим но пичигес вал на. Оло соин ик, лэся, киосы торназы. Отысен монэ поттизы скал кыскыны. Отын но капчи ой вал. Киосысьтым торнамез оз быры соин ик лэзизы ыжъёсты сюдыны. Вань ыжъёсты чышкылимы кийн качыен. Гужем ю-тысез октон вакытэ Мамадыше сизыым валэн задание нуллимы. Жыт сизыымен кошкиса чукна тямыс часлы вуылимы. Толалтэяз лэзизы нюлэс кораны Казань съоры Албаево. Коръёсыз туж зокесь, нош пиламы ныж вал. Корам пумес валэн поттылимы нюлэс дуре. 1957 арын ваизы Виль Канисаре. Тани табере улисько ни Починок Сутер гуртын, вынылэн нылыз дорын.

Валентина Андреевналэн верамезъя гождяз Петрова Л.М.